

مُنِيَّةُ الْمُصَلِّي

MUNYATUL MUSOLLI

(Cita-Cita Orang Yang Bersembahyang)

02 SURUHAN MEMELIHARA SEMBAHYANG DAN KELEBIHANNYA

Maka dengan demikian itulah, menyuruh Allah ﷻ akan segala hambaNya yang mukmin di dalam kitabNya dan dengan dia memberikan (مفريكن - Allah menceritakan) sifat mereka itu. Maka firmanNya (Surah Al-Baqarah – ayat 238):

حَفِظُوا عَلَى الصَّلَوَاتِ وَالصَّلَاةِ الْوُسْطَى وَقُومُوا لِلَّهِ قَانِتِينَ

“Peliharakan oleh kamu, hai orang yang Mukminin! Atas Sembahyang (solawat) yang lima waktu dan memelihara sembahyang wustho dan berdiri kamu bagi Allah mengerjakan kamu akan taat.”

Maka dikehendaki dengan solawat itu, iaitu sembahyang fardhu yang lima waktu, iaitu Zohor dan ‘Ashor dan Maghrib dan ‘Isyak dan Subuh.

Maka demikian itu ialah sembahyang yang tiada diluluskan (dibolehkan) akan seorang daripada orang Islam meninggalkan satu daripadanya pada satu kelakuan daripada segala kelakuannya selama ada ia berakal. Dan jikalau sampailah lemahnya barang yang sampai (sehabis-habis lemah) dan sakitnya kepada sehingga-hingga sampainya sekalipun, tiada diuzurkan meninggalkan dia (sembahyang).

Dan dikehendaki dengan **Solat Al-Wusto** (صلاة الوسطى) iaitu sembahyang ‘Asor. Adapun ditentukan dengan menyebut akan dia, kerana kelebihanannya dan mulianya atas yang lainnya. Dan adalah sebab diturunkan ayat kerana memudahkan sembahyang tatkala takut (daripada musuh). Bahawasanya, adalah orang Islam serta Rasulullah ﷺ pada setengah daripada peperangan, sembahyang Rasulullah ﷺ sembahyang Zohor atas jalan adatnya (kebiasaannya) dan adalah musyrikin hampir dengan mereka itu melihat ia akan Muslimin. Maka manakala selesai mereka itu daripada sembahyang, kata setengah daripada musyrikin, “Jikalau kamu kerempak (كرمفق - menyerang) atas mereka itu di dalam sembahyang mereka itu, nescaya mengenai kamu akan mereka itu (mendapat kemenangan).” Maka berkata setengah yang lainnya, “Bahawasanya bagi mereka itu kemudian daripada sembahyang ini, terlebih kasih kepada mereka itu daripada bapa mereka itu dan daripada anak-anaknya.” Yakni, dikehendakinya (dimaksudkan) mereka itu sembahyang ‘Asor.

Maka turun Jibril ﷺ atas Rasulullah ﷺ dengan sembahyang kaifiat **Syiddatul Khauf** (شدة - terlalu takut). Maka tilik olehmu betapa kelebihan sembahyang ‘Asor dan nyatakan hingga mengetahui segala musyrikin kelebihannya. Dan lagi firman Allah ﷻ (Surah Ar-Rum – ayat 31):

﴿مُنِيبِينَ إِلَيْهِ وَاتَّقُوهُ وَأَقِيمُوا الصَّلَاةَ وَلَا تَكُونُوا مِنَ الْمُشْرِكِينَ﴾

“Kembali kamu, hai segala Mukminin kepada Allah dan takut akan Dia dan dirikan oleh kamu akan sembahyang, dan jangan ada kamu daripada orang yang musyrikin.”

Maka makna:

إِنَابَهُ – kembali kamu kepada Allah, dan

تَقْوَاهُ – itu takut akan Allah. Dan erti,

إِقَامَةُ الصَّلَاةِ – iaitu mendatang dengan dia atas wajah (cara) yang disuruh Allah ﷻ.

Dan lagi firmanNya (Surah Al-Mu’minun – ayat 1-2) :

﴿قَدْ أَفْلَحَ الْمُؤْمِنُونَ﴾ ۝ ۱ ﴿الَّذِينَ هُمْ فِي صَلَاتِهِمْ خَاشِعُونَ﴾

Hingga akhir firmanNya (Surah Al-Mu’minun – ayat 9) :

﴿وَالَّذِينَ هُمْ عَلَى صَلَاتِهِمْ سُحَّافُونَ﴾

“Sanya, telah dapat kemenangan (keuntungan) segala orang yang Mukminun,” iaitu orang yang ada mereka itu khusyu’. Iaitu, tetap anggotanya tatkala sembahyang, hingga akhir firmanNya. “Dan segala yang adalah atas sembahyang mereka itu, memeliharakan dia.”

Dan lagi firmanNya (Surah Al-Ma’arij – ayat 22-23) :

﴿إِلَّا الْمُصَلِّينَ﴾ ۝ ۲۲ ﴿الَّذِينَ هُمْ عَلَى صَلَاتِهِمْ دَائِمُونَ﴾

“Melainkan orang yang sembahyang yang atas mereka itu (sembahyang) yang berkekalan memeliharakan dia.”

Maka **diistitsna’** (استثناء), yakni dikeluarkan akan mereka itu (orang-orang yang bersembahyang) daripada bagai (jenis) manusia yang dijadikan perangai mereka itu terkejut dan keluh kesah tatkala mengenakan mereka itu kejahatan. Dan apabila mengena mereka kebajikan ditegahkan kebajikannya daripada mengerjakan kebaikan. Maka seperti bahawasa Allah ﷻ berfirman, bahawasanya orang yang sembahyang atas sebenarnya, tiada mereka itu daripada yang keluh kesah dan terkejut apabila menyentuhkan mereka itu kejahatan, dan tiada memegang kebajikan (bakhil) baginya apabila datang kebajikan baginya. Tetapi ia menafqahkan atas keredhaan Allah ﷻ. Dan lagi pula kerana bahawasanya sembahyang yang sebenarnya itu menegahkan daripada **fahsya’** (فحشاء - kekejian) dan **mungkar** (منكر), seperti firman Allah ﷻ (Surah Al-‘Ankabut – ayat 45):

وَأَقِمِ الصَّلَاةَ إِنَّ الصَّلَاةَ تَنْهَى عَنِ الْفَحْشَاءِ وَالْمُنْكَرِ وَلَذِكْرُ اللَّهِ أَكْبَرُ

“Dan dirikan olehmu akan sembahyang, bahawasanya sembahyang itu menegahkan daripada kejahatan dan pekerjaan yang mungkar, dan sesungguhnya zikrullah (sembahyang) itu terlebih besar.”

Maka orang yang mendirikan bagi sembahyang seperti yang disuruh Allah ﷻ dan RasulNya, menegahkan dia sembahyang daripada mengerjakan yang demikian itu daripada segala pekerjaan yang jahat-jahat.

Dan sabda Nabi ﷺ :

صَلُّوا كَمَا رَأَيْتُمُونِي أُصَلِّي

“Sembahyanglah kamu seperti barang yang kamu lihat akan daku sembahyang.”

Maka hendaklah kita mengikut akan yang dikerjakan Nabi ﷺ atas jalan yang kita ambil daripada ulama’ umat ini; yang dahulu dan yang kemudian, seperti yang disebut di dalam kitab-kitab mereka itu ﷻ ialah yang dinamakan dan yang dibilangkan daripada orang yang mendirikan sembahyang dan memeliharakan dia.